



## **Inatsisartut ilassutitut aningaasaliissutitut inatsisissaannut siunnersuut 2021.**

Aningaasaqarnermut, Aatsitassanut, Inatsisit Atuutsinneranut Naligiissitaanermullu Naalakkersuisoq

### **Siullermeerneqarnera**

Naalakkersuisut sinnerlugit 2021-mut Ilassutissatut aningaasaliissutitut Inatsisissatut siunnersuut Aningaasaqarnermut, Aatsitassanut, Inatsisit Atuutsinneranut Naligiisintaanermullu saqqummiusnaanut Naleqqamiit imatut oqaaseqaateqassaagut.

Ilassutitut aningaasaliissutit inatsit atuuttoq naapertorlugu Aningaasaqarnermut Akileraartarnermullu Ataatsimiititaliamit akuersissutigineqartut ukiumoortumik ilassutissatut aningaasaliissutissanut inatsimmi ataatsimoortinneqarlutik saqqummiunneqartarput inatsisit atuuttut naapertorlugit.

Tamannalu maannakkut pivoq ukiumi aningaasanut inatsiseqarfiusumi tulliuuttumi Inatsisartut maanna upernaakkut ataatsimiinneranni saqqummiunneqarlutillu oqaluuserineqartussanngorlugit.

Tassa 2021-mut Ilassutitut Aningaasaliissutitut inatsisissatut siunnersuummi kingumoortumik aningaasalissutaasimasut uani pineqarput taamatullu isigineqassalluni.

Naatsumik oqaatigalugu aalajangiinerit pineqartut 2021-p ingerlanerani akuersissutaasut Aningaasaqarnermut Akileraartarnermullu Ataatsimiititaliaata aalajangiiffigisimasai ilassutitut aningaasaliissutitut inatsimmi aaqqissuunneqarsimasut suuneri tamaasa ilanngullugit aningaasaliissutit oqaasertaliussallu ilaangussaq 1 ilanngussaq 2-mullu ilanngunneqarlutik saqqummiunneqarput, taamasilluni 2021-mut Aningaasanut Inatsit taamatullu aamma 2021-mut Ilassutissatut aningaasaliissutissanut Inatsisissatut siunnersuummi ukiumut aningaasanut inatsiseqarfiusumut 2021-mut aningaasaliissutaasunut tamarmiusunut ataatsikkut inerniliinerat ilanngullugu takutitsiffiupput. Taamaasilluni Nunatta karsiata naatsorsuutaaniilersut inaarutaasutut takussutiissut ersarsissumik tamakkiisumillu saqqummiunneqarlutik.



Taamaasilluni 2021-mut Aningaasanut Inatsit IST-mut missingersuusiarineqarsimasoq 66 mio.kr.-nik amigartooruteqarfiussasoq aamma IS-imut missingersuusiarineqarsimasoq 76,2 mio. kr.-nik sinneqartooruteqarfiussasoq takutitsivoq.

2021-p ingerlanerani ilassutissatut aningaasaliissutit IST-mi inernernut missingersuutaasunut ataatsimut isigalugu 149,1 mio. kr.-nik ajorseriartitsisut takuneqarsinnaapput, taamatullu ilaatigut killiffeqarneq ilaatigut Kalaallit Airports Holding A/S-mut kiisalu COVID-19 tunngavigalugu takornariaqarnikkut inuussutissarsiutilinnut aamma saarullinniarnermut ikiorsiissutinut aallaveqartut takuneqarsinnaapput.

Ilassutit aningaasaliissutinut Inatsisissatut Siunnersuummi takuneqarsinnaasutuut ukiumi pineqartumi inatsiseqarfiusumi tassalu 2021-imi IST-mut missingersuusiarineqarsimasoq 215 mio. kr.-nik amigartooruteqarfiussasoq ersersinneqarpoq taamatullu aamma IS-imut missingersuusiarineqarsimasoq 225,2 mio. kr.-nik amigartooruteqarfiusussaalluni.

Taamaammallu Inatsisartut ilassutissatut aningaasaliissutinut inatsisissaannut siunnersuut 2021-imeersoq Naleqqamiit annertunerusumik oqaaseqarfiginatigu tusaatissatut tiguarput.